


Pedro Atacho

Areglo di cooperacion entre Hulanda y Antiyas mester ta a base di "consensus rijkswet"



ORANJESTAD (AAN): DIARIO Dialuna den un entrevista a puntra presidente di e comision pa asuntonan di reino y relacionnan inter Parlamentario Pedro Atacho, su opinion riba e hecho cu Corsow posiblemente lo no haya mesun status manera Aruba, ora cu nan sali for di Antiyas.

Nan status lo bin cu diferente condicion.

Segun Atacho, tin deliberacionnan sumamente positivo ta andando, entre e delegacionnan di e islanan di Antiyas cu Hulanda.

Dia prome y dia 2 di November tin un asina yama "Politiek Bestuurlijk Overleg" cu ta bay tuma lugar na Hulanda, pa loke ta trata e situacion particular di St Maarten y Corsow.

Tin algun punto chikito cu ta colga, por ehempel kico ta bay hasi cu Polis, Ministerio Publico y e debe National di Antiyas.

Actualmente en todo caso, Corsow y St Maarten ta den negociacion cu Hulanda, pa

duna contenido na Status Aparte.

Aworaki no ta cla ainda ki contenido lo wordo duna na e relacion cu ta bay tin.

Loke si ta importante ta cu si tin cierto areglo di cooperacion, esakinan mester ta basa riba "Consensus Rijkswet".

Esaki kiermen cu Corsow y St Maarten mester duna aprobacion pa por yega na

cierto areglo di cooperacion cu Hulanda y no pa medio di e rijkswet cu Hulanda ta impone.

Medida nobo awe pa waf na Playa y Barcadera

ORANJESTAD (AAN): Aruba Ports Authority N.V. (APA) kier a participa na tur su usuarianan cu entrante awe en adelante tur persona cu ta haci uso di e tereno di nos waf, sea na Oranjestad of na Barcadera lo mester pasa un "screening".

E cambio di procedimiento aki tin di haber cu e ley nobo cu a bira vigente entrante 19 di mei 2006 cu ta regarda seguridad di entre otro tereno di waf. E "screening" lo wordo haci na momento di otorgamento di badge of autopas.

E tipo di "Screening" cu lo tuma lugar ta:

(1) Esun necesario pa haya papel di bon conducta, cu lo duna aceso na tereno di waf. E aceso aki ta limita cual ta exclui tur e areanan restringi di APA. E papel di bon conducta mester worde pidi na e instancia oficial encarga cu esaki.

(2) Un investigacion, cu lo duna aceso na areanan restringi di waf. E terminalnan di crucero y e areanan di carga na Barcadera y Oranjestad ta e areanan di aceso restringi. E investigacion aki lo wordo haci pa instancia oficial y autoriza pa haci esey. Pa esaki tin formularionan cu

mester worde yena, cu ta obtenibel na e Departamento Administrativo di Seguridad di APA.

Ta haci destincion entre dos tipo di aplicacion: aplicacion nobo y aplicacion pa renobacion.

Aplicacion nobo: Pa tur aplicacion nobo ta conta cu mester haya resultado di e "screening" prome cu por bin na remarke pa haya un badge/autopas. E aplicacion aki mester a acompaña cu un carta di e doño of gerencia di trabao, cu motivacion di con ta pidi aceso na tereno di waf.


Aplicacion pa renobacion: Pa haya renobacion di un

badge existente, sin ningun cambio, mester acudi na e Departamento

Administrativo di Seguridad di APA, cu un carta di e doño of gerencia di trabao, cu motivacion pa e peticion. Pa continuidad di e trabao, temporalmente ta prolonga e badge/autopas pa aña 2007, en espera di e resultado di e screening. Si acaso e resultado di e screening no sali bon, e badge y autopas lo wordo revoca.

Gerencia di Aruba Ports Authority N.V. ta spera cu boso comprension y cooperacion den e proceso aki.

AKI NO TA BULAMENTO DI CURA, AKI TA BASHAMENTO DI CURA!!



BEST DEAL


Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



**6 Second
ABS**

Afl. 39,95